

Ingingo ya 65 :

- ✓ Imizigo yikorewe n' amagare , velomoteri, amapikipiki, ibinyamitende by' ibiziga bitatu n' ibyine bifite cyangwa bidafite moteri ntibishobora kurenza impera y' imbere y' ikinyabiziga, n' aho iyinyuma y' ikinyabiziga ntishobora kurenza santimetero 50 .

Ingingo ya 66 :

- a).1. *Umuyobozi w'ikinyabiziga cyangwa uw'ikinyamitende itatu cyangwa w'ikinyamitende ine bifite moteri agomba kugira aho yicara hafite ubugari butari muni ya santimetero 55.*

- ✓ Umuyobozi wa kimwe mu binyabiziga bivugwa mu gika kibanziriza iki ntashobora kwemerera abandi bantu kwicarana nawe mu gihe umwe muri bo adafite umwanya wo kwicaramo ungana nibura na santimetero 40 z'ubugari.

2. Birabujijwe: Gutwara ku ntebe z'ikinyabiziga umubare w'abantu urenze umubare wateganyijwe n' uwayikoze.

3. Birabujijwe: Gutwara ku ntebe y'imbere y'imodoka abana badafite imyaka cumi n'ibiri iyo harimo indi myanya.

4. Umuyobozi wa kimwe mu binyabiziga byavuzwe mu gika cya mbere abujijwe gutwara abantu mu bice by'inyuma bya karisoro y'icyo kinyabiziga cyangwa bya romoruki yacyo.

5. Igare, velomoteri, n'ipikipiki ntibishobora gutwara abantu barenze umubare wateganyijwe. Ibivugwa mu gika cya 5, bikurikizwa ku byerekeye ibinyamitende itatu n'ibinyamitende ine bifite moteri cyangwa bitayifite, bifite akazu k'umuyobozi.

b) *Nyamara umuyobozi ashobora kwemerera umuntu umwe cyangwa benshi gufata umwanya mu gice cy'ikinyabiziga cyigenewe gutwara ibintu ,iyo abona bishoboka kandi bidashobora kuvamo impamvu yatera impanuka .Agomba kuba yizeye ko ahantu hose umutekano w'abo atwaye udashobora guhungabana .*

c) Ibimaze kuvugwa ntibikurikizwa n'abayobozi b'ibinyabiziga bikoreshwa mu mirimo ya gisirikare cyangwa ya gipolisi cyangwa mu mirimo y'abarwanya inkongi cyangwa y'abasukura imihanda.

3. 3. UMUTWE WA III: UBUREMERE NTARENGWA BWEMEWE**Ingingo ya 67:**

1. A) *Mu mijyi kimwe no mu mihanda y'igihugu igenwa na Ministiri ushinze gutwara abantu n'ibintu uburemere ntarengwa ku kinyabiziga cyangwa ku binyabiziga bikururana bushyizweho ku buryo bukurikira :*

Ubwikorezi ntarengwa bwemewe kuri buri mutambiko ufungwaho ibiziga bine buzaba:

-Kuri buri mutambiko usanzwe: toni 10

-Ku mitambiko ibiri ikurikiranye: toni 16

-Ku mitambiko itatu: toni24; ikamyo iyo ari yo yose ntishobora na rimwe gutwara ibintu virenze toni 53.

- B) *Ku yindi mihanda yagenwe na Minisitiri ushinze gutwara abantu n'ibintu,uburemere ntarengwa bwemewe kuri buri kinyabiziga cyangwa ku binyabiziga bikururana bishyizweho ku buryo bukurikira:*

a) *Ibinyabiziga bifiteimitambiko 2 hariho makuzungu : Toni 12*

b) *Ibinyabiziga bifite imitambiko itatu cyangwa irenga hatariho makuzungu :Toni 16*

c) *Ibinyabiziga bifatanye :*

-Bifite imitambiko itatu: Toni 12

-Bifite imitambiko ine cyangwa irenga: Toni 16

- Ibinyabiziga bikururana: Toni 20